



**Ana Patricia Torres Madureira**, na súa condición de voceira do Grupo Provincial Popular na Deputación de Ourense, con base ao previsto nos artigos 91 e 97 do ROF, e de acordo á Lei de Base Reguladora do Réxime Local e o Regulamento da Corporación, presenta a seguinte **MOCIÓN RELATIVA ÁS DIFICULTADES QUE SE ATOPAN OS CONCELLOS NA APLICACIÓN DA LEI DE PROTECCIÓN DOS DEREITOS E DO BENESTAR DOS ANIMAIS** para o seu debate no pleno da corporación, tendo en conta a seguinte

#### **EXPOSICIÓN DE MOTIVOS:**

Como di o preámbulo da propia Lei, cada día resulta máis evidente en todo o país a crecente sensibilización da cidadanía ante a necesidade de garantir a protección dos animais en xeral e, particularmente, dos animais que viven na contorna humana, en tanto que son seres dotados de sensibilidade cuxos dereitos deben protexerse, tal e como recollen o artigo 13 do Tratado de Funcionamento da Unión Europea e o Código Civil español.

O concepto de «benestar animal», definido pola Organización Mundial de Sanidade Animal como «o estado físico e mental dun animal en relación coas condicións nas que vive e morre», vén sendo recollido en profusa normativa, tanto nacional como internacional; así, o citado artigo 13 do Tratado de Funcionamento da Unión Europea sinala que ha de terse en conta que os animais son seres sensibles ao formular e aplicar as políticas da Unión en materia de agricultura, pesca, transporte, mercado interior, investigación e desenvolvemento tecnolóxico, etc.

Tamén, o Código Civil dispón a obrigaición do propietario, posuidor ou titular de calquera animal de exercer os seus dereitos sobre el e os seus deberes de coidado, respectando a súa calidade de ser sentinte e o seu benestar, conforme ás características de cada especie e as limitacións establecidas nesta e as demais normas vixentes.



O principal obxectivo desta lei non é tanto o garantir o benestar dos animais avaliando as condicións que se lles ofrecen, senón regular o recoñecemento e a protección da dignidade dos animais por parte da sociedade. Por tanto, non regula aos animais como un elemento máis dentro da nosa actividade económica aos que se deban unhas condicións pola súa capacidade de sentir, senón que regula o noso comportamento cara a eles como seres vivos dentro da nosa contorna de convivencia.

Esta lei ven acompañada de unha serie de accións que teñen que levar a cabo todos os concellos, como son:

- Referente os animais extraviados; atribúese aos concellos a recollida de animais extraviados e abandonados e o seu aloxamento nun centro de protección. Para iso deberán contar cun servizo de urxencia para a recollida e atención veterinaria destes animais, dispoñible as vinte e catro horas do día.
- Referente o aloxamento e coidados; os concellos deberán ter Centros Públicos de Protección Animal.
- Referente a espazos públicos e praia; os concellos deben promover o acceso a praias, parques e espazos públicos de animais de compañía que non constitúan risco para as persoas, outros animais ou as cousas.
- Referente aos transportes públicos e privados; os concellos facilitarán a entrada de animais de compañía que non constitúan un risco para as persoas.
- Sancións; as ordenanzas municipais poderán introducir especificacións ou gradacións no cadro das infraccións e sancións tipificadas na Lei.

Especial atención, atendendo a idiosincrasia do rural galego, a teñen as colonias felinas, xa que a propia lei especifica que corresponde aos concellos a xestión dos gatos comunitarios, a cuxos efectos deberán desenvolver programas de xestión que incluírán, polo menos, os aspectos recollidos no art 39 (entre eles, o mapeo e censo dos gatos do termo municipal, para unha planificación e control



nas esterilizacións acorde ao volume de poboación, identificación obrigatoria mediante microchip, etc).

Pero todas estas medidas que a nova Lei -promovida polo "Ministerio de Derechos Sociais y Agenda 2030", sen contar cos criterios de profesionais sanitarios do sector nin coas recomendacións da FEMP- lle exige os concellos, non están dotadas de partidas orzamentarias, polo que son os propios concellos os que teñen que soportar todos os custos da aplicación da nova normativa, levando a estes a situacións económicas verdadeiramente complexas. Tal e como están as arcas municipais, con todas as competencias que teñen atribuídas, chegando nos casos mais extremos a verse na necesidade de suprimir servizos para os propios cidadáns para atender a devandita lei.

Todos estamos de acordo na necesidade de garantir o benestar dos animais, pero desde o Goberno de España teñen que ser conscientes de que para a correcta aplicación dunha norma deste calado, esta ten que vir acompañada da partida orzamentaria correspondente, porque todos sabemos o altísimo custe que supón a súa aplicación e así permitir o seu desenvolvemento aos concellos, sen precarizar o resto dos servizos municipais.

En virtude de todo o exposto, o Grupo Provincial Popular propón ao pleno os seguintes

#### **ACORDOS:**

1. Instar ao Goberno de España a que dote orzamentariamente aos concellos dunha partida para o desenvolvemento e aplicación da Lei de protección dos dereitos e benestar dos animais, en base a criterios obxectivos baseados nun censo sobre os animais domésticos que viven no concello, atendendo o tipo de especie, o estado (abandonado, libre, en explotación), idade, etc...



DEPUTACIÓN  
DE OURENSE

2. Instar ao Goberno de España a modificar a devandita lei para emendar as carencias observadas, atendendo os criterios dos profesionais sanitarios do sector e das recomendacións feitas pola FEMP.

Ourense, 11 de xullo de 2024.

44468060K

ANA PATRICIA

TORRES (R:

V32237471)

Asdo. Ana Patricia Torres Madureira.

Firmado digitalmente

por 44468060K ANA

PATRICIA TORRES (R:

V32237471)

Fecha: 2024.07.11

13:46:26 +02'00'

---

**SR. PRESIDENTE DA DEPUTACIÓN PROVINCIAL DE OURENSE**